



ЛЕЗГИ Газет

**Жуван Ватан,
ватанэгълияр хуьх!**

1920 – йисалай акъатзава

№ 11 (10604) хемис 13 – март, 2014 – йис WWW.LEZGI.ETNOSMI.RU

Къимет “Дагпечатдин” киоскрай - 10 манат

Крымдин тереф хуьзва



Мусурманрин алимар - Дагъустанда

Ханум ШАЙДАБЕГОВА

И йикъара Махачкъаладиз Виридуьньядин мусурманрин алимарин союздин (ВСМУ) Генеральный секретарь, шейх, доктор Али Мугъиддин аль-Карадаги кыле авай динэгълийрин делегация мугъман хъана. Гъа атай юкъуз абур республикадин Къил Рамазан Абдулатипова къабулна.

РД-дин Къилин ва Гьукуматдин Администрациядин пресс-къуллугъдин ва информациядин Управлениди хабар гайвал, делегациядик кваз ВСМУ-дин исполнительный директор Маулай Рашид Умри Алави, ВСМУ-дин къаюмвилдин советдин член, мергьяматлувилдин ва инвестициядин месэлайрин рекъай Союздин комитетдин председатель, Кувейтдин государстводин эмирдин администрациядин патав гвай шариатдин къайдаяр



► 6

Векилхана ахъайда

Къагъриман ИБРАГЪИМОВ

Дербент шегъердин администрациядин къилин везифаяр тамарзавай Т.Султанов Россиядин Федерациядин культурадин министерстводин къиблепатан управленидин руководитель Татьяна Солодцовадихъ галаз гуьруьшмиш хъана. Ана шегъердин администрациядин къилин заместитель С.Ханукаева, РД-дин культурадин министерстводин векилри иштиракна.

Мугъманар хушвилелди къабулай Т.Султанова надир памятникар авай Дербент шегъердин культурадин ирс хуьнин рекъе жележегдани чпи Россиядин культурадин министерстводихъ галаз санал къвалахдайдахъ инанмишвал къалурна.

Т.Солодцовади Дербент шегъердин 2000 йисан юбилей тухуз гъазурвилер акунин карда РФ-дин культурадин министерстводи лап активдаказ иштирак ийидайди ва алай гъалда культурадин надир объектар гъи гъалда аватла, ахтармишунин лазимвал авайди къейдна. Чна ина чарасуз чи векилхана ачухда, алава хъувуна ада.

Ахпа абур “Нарын-къала” къеледиз ва писатель А.Бестужев-Марлинскийдин музейдиз килигна.

Куьмек гана

Дербент шегъердин администрациядин къилин везифаяр тамарзавай Т.Султанов Афгъандин аскерин хендедайрихъ ва абурун диде-бубайрихъ галаз гуьруьшмиш хъана. Абуру Афгъанистанда интернациональный буржи тамарайбур ва анай хтун тавурбур рикел хкана.

Рухваяр халис ватанпересар яз тербияламышунай Т.Султанова диде-бубайриз риклин сидкъидай сагърай лагъана.

Ветеранрихъ галаз къвалах тухузвай УСЗН-дин отделдин начальник Т.Бабаева РД-дин Гьукуматди акъуднавай къарардалди, Афгъандин вакъайра къурбандар хъайибурун хизанриз 10 агъзур манатдин къадарда аваз садра гузвай куьмекдин пул чара авунвайди лагъана. Идалайни гъейри, физкультурадин спортдин ва жегъилрин крарай управленидин патай абурув пишкешар вахкана.



ЯШАЙИШ

Тарланани Мумината вад хва члехи авунва, абуруз вадазни чпин хизанар хъанва. Гадайри къилин образование къачуна, гъар сад са пешедин иеси я. Ламетуллагъни Ренат дуктурар, Гарри - карчи я, Фамилбег - проектировщик, абур вири Москвада яшаммиш жезва.

► 15



СПОРТ

Россиядин хкъанавай команда, гъам вири санлай къазанмишнавай, гъамни къизилдин медалрин къадардал гъалтайла, виридалайни вилик ква. Накъ, 12-мартдиз, чи командадин спортсменри вири санлай 47 медалъ къазанмишнавай, абурукай 16 “къизилар” я.

► 21

понеделник, 17 марта

ТВ ДАГЕСТАН
РОССИЯ
08.05-08.08 Местное время. Вести-Дагестан.

00.30 Время новостей Дагестана
01.00 Ночной канал
ПЕРВЫЙ
5.00 Новости.

17.40 "Говорим и показываем".
18.30 "Чрезвычайное происшествие. Обзор".

16.00 "Сегодня".
16.25 "Прокурорская проверка".
17.40 "Говорим и показываем".

14.50 "Город новостей".
15.15 "Городское собрание".
16.05 Х/ф "Долгая дорога в дюнах".

3.50 Галилео.
5.50 Музыка на СТС.
REN TV
5.00 Т/с "Агентство 2".

1.05 Х/ф "Возвращение Буддуля" (12+).
2.25 Х/ф "Возвращение Буддуля" (12+).

ДОМАШНИЙ
6.30 Удачное утро.
7.00 Джейми у себя дома.

вторник, 18 марта

ТВ ДАГЕСТАН
РОССИЯ
08.05-08.08 Местное время. Вести-Дагестан.

20.35 TV- shop
20.45 «Время футбола» в прямом эфире

13.25 "Суд присяжных. Окончательный вердикт".
14.35 "Дело врачей".

10.05 Х/ф "Спаста или уничтожить".
11.30 "События".

СТС
6.00 М/с "Маленький принц". (6+).

5.15 Животный смех.
5.45 Музыка на СТС.
REN TV
5.00 Т/с "Агентство 2".

3.40 Фильм-сказка "Садко" (12+).
КУЛЬТУРА
6.30 Канал "Евроныюз".

ДОМАШНИЙ
6.30 Удачное утро.
7.00 Джейми у себя дома.



Волейболдай акъажунар



Рагьидин ЭМИНОВ

Ахцегьрин 1-нумрадин СОШ-дин спортзалда райондин идарайрин къуллугъчийрин ва спортшколайрин векилрин арада волейболдай турнир кыле фена. Ам "Ахцегь район" муниципальный райондин кыл О.М. АБДУЛКЕРИ-

МОВА кыл кутуналди ва ам вич спонсор яз "Чун терроризмдиз ва экстремизмдиз акси я", "Наркотикриз - ваь!" лишандик кваз тухвана. Серенжем, куьруь гаф рахуналди, райадминистрациядин кыл Ш. АРУХОВА ачухна. Ада турнирдин мурад жегьилрин арада терроризмдин, экстремизмдин идея, наркомания чукуниз аксивал авун

тирди, идалай гуьгъуьниз и жуьредин турнир Дагъустандин Кьиблепатан районрин жегьилрин арадани тешкилдайди кьейдна.

Турнир ачухунин мярекатдиз талукъ яз райондин искусствойрин школайрин куьулердайбурун дестеди инал милли са шумуд куьул устадвилелди тамамарна. Турнир "Сельсовет Ахтынский" СП-дин администрациядин ва Ахцегьрин 2-нумрадин СОШ-дин командаларин кьугъунилай башламишна.

Акъажуна вири санлай 11 командалади иштиракна. Турнирдин нетижайрай сад лагъай чкадиз "Сельсовет Ахтынский" СП-дин администрациядин команда лайихлу хъана. 2-чка А.Гъаниеван тварунихъ галай спортшколадин командалади кьуна. 3-чкадиз Смугъулрин хуьруьн команда лайихлу хъана. Кьвенквечи чкайриз лайихлу хъайи командалариз спонсордин патай талукъ тирвал 20, 10, 5 агъур манат пулар ва 1,2,3-дережадин дипломар гана.

2-чкадиз лайихлу хъана

И ЙИКЪАРА волейболдай Ахцегь райондин рушарин (тренер Н. Муталибов) хъянавай командалади Кьиблепатан зонадин кьвенквечивал патал Огни шегьерда тухвай турнирда иштиракна. Иниз 17 командаларин векилар атанвай. И акъажуна чи командалади Огни шегьердин (2:0), Курагьрин (2:1), Къаякентдин (2:1) командаларин винел гьалибвал къазанмишуналди, 2-чка кьуна.

Лугъун лазим я хьи, эхиримжи вахтара чи волейболисткайри къазанмишнавай агалкьунрик и командаларин тренер Нурамет Муталибован, командаларин членар тир

Дилара Гъажиевадин, Каминат Султановадин, Мерзия Алиагъаевадин, Фируза Мугъуловадин, Этер Магъмудовадин, Роза Гъажикъулиевадин, Назлу Алихановадин, Эльнара Гъаниевадин, Татьяна Леликовадин, Самира Мирзоевадин, гьакни спортшколадин завуч ва тренер Б. Нурагъмедован, тренер Х. Алиярован чалишмишвилерин еке пайни ква. Мартдин вацран эхирра чи рушарин волейболдин командалади РД-дин кьвенквечивал патал Каспийск шегьерда кыле фидай турнирда иштиракдайвал я.

Азаддаказ кьуршахар кьунай турнирар

СА ТИМИЛ вахт идалай вилик Ахцегь А.Гъаниеван тварунихъ галай ДЮСШ-дин спортзалда 1997-1998-йисара дидедиз хъанвай гадайрин арада зональный кьвенквечивал патал азаддаказ кьуршахар кьунай акъажунар кыле фена. Абура Ахцегь, Рутул, Докъузпара ва Мегъарамдхуьруьн районрин командалари иштиракна.

Гъасирдал кьизгьиндиз кыле фейи бягьсера Х.Халифатова (42 кг, Рутул), А.Гъаниева (46 кг, Мегъарамдхуьр), Р.Магъарамова (50 кг, Ахцегь, тренер М.Гъажиев), Н.Гьуьлалиева (54 кг, Ахцегь, тренер Ф.Садыхов), Р.Мамедова (58 кг, Ахцегь, тренер З.Гъаниев), Б.Мисриханова (63 кг, Ахцегь, тренер М.Гъажиев), А.Нурагъмедова (69 кг, Ахцегь, тренер Ф.Садыхов), А.Исмаилова (76 кг, Ахцегь, тренер М.Агъмедов), М.Рагъимова (85 кг, Мегъарамдхуьр), К.Агъамугъланова (100 кг, Ахцегь, тренер Ф.Гъаниев) чпин заланвилдин категориярай 1-чкаяр кьуна.

Акъажуна 1-2-чкаяр кьур спортсменриз 1 ва 2-дережайрин медалар, дипломар гана. Чна умудзава хьи, чи жегьил пагъливанрихъ идалай кьулухъ мадни хъсан нетижаяр жеда.

И мукъвара Ахцегьрин 1-нумрадин СОШ-дин спортзалда райцентрадал алай 2-нумрадин ва Докъузпара райондин Цийи Къаракуьре хуьруьн ДЮСШ-рин тербиячийрин арада азаддаказ кьуршахар кьунай дуствилин турнир кыле фена. Ам ватан хуьдайбурун йикъаз талукъарнавай. Адан




Турнирда 1-чкайриз лайихлу хъайи пагъливанар чпин тренерихъ галаз

спонсорвал авурбур 2-нумрадин ДЮСШ-дин тренерар Ж.Жалиловни З.Гъаниев тир. И турнирда 30-далай виниз спортсменри иштиракна.

Кьизгьиндиз кыле фейи акъажунарин нетижанда чпин заланвилдин категориярай 1-чкаяр 1 ва 2-нумрайрин ДЮСШ-рин векилар тир Ф.Мамедова (26 кг), Ш.Ризаева (31 кг), С.Гъасанова (35 кг), Р. Мамедова (60 кг), К.Къазимегъамедова (62 кг), Р. Мурсалова (50 кг) кьуна. 2-чкайриз А.Гъажиев (38 кг), С.Зугърабов (62 кг), Р.Жамирзоев (64 кг), Р. Эмиров (70 кг), Н.Мирзоев (66 кг), Х.Алиагъаев (56 кг), М.Агъмедов (70 кг) лайихлу хъана.

Кыле фейи акъажуна гьакл Къаракуьредин ДЮСШ-дин векилар тир А.Шихов (38 кг), Р.Рамазанов (69 кг), Х.Сулейманов (34 кг) - 1-Э.Султанов (62 кг), Р.Рамазанов (50 кг), Н.Султанов (58 кг) 2-чкайриз лайихлу хъана.

Акъажуна приздин чкаяр кьур вири спортсменриз гьурметдин грамотаяр гана. И турнирда тафаватлу хъайи жегил пагъливанрикай кылдин команда тешкилнава. Абуру июндин вацра Ахцегьа жаванрин арада азаддиз кьуршахар кьунай кыле тухудай турнирда иштиракда. Умудзава хьи, анани чи жегьил пагъливанри кьвенквечи чкаяр къада.



Дуньядин халкьарин хуьрекар

Эрменийрин лавашдикай

вуч гъазуриз жеда?

Эрменийрин лаваш - им лап кьелечдиз чкалар яна чранвай фу я. Ам квевай кьвале тавадани чраз жеда, амма эхиримжи вахтара чи туьквенрай чранвай, гъазуран лавашар маса гузва. Кьелечдиз лаваш неинки хуьрекрихъ галаз нез, гьакни адалай вичикайни лап тямлу, фад гъазуриз жедай, тамам тухардай хуьрек ийиз жеда.

“Лазанья”

Лазанья гъазурун патал чаз лазим кьведай продукт:

пуд лаваш;

моцарелла (ва я голландский сортунин гьы кьели ниси хъайитлани жеда) 400гр.;

вад виш гр. регъвенвай як;

Михна, тёркадай янавай помидорар (я туш хьи, маринад помидорар) 500мл.;

са силих серг;

куь тямдиз килигай кьел, истивут.




Регъвенвай як зейтундин (ам авачиз хъайитла, маса ягълу, я туш хьи, цурурнавай чьем ишлемишиз жеда) ягълу цана чрада ва куь тямдиз килигайвал кьелни истивут кьвахда.

Ниси тёркадай яда. Серкин силих лап куьлуьдаказ куьткьунна, амни кылди ягълуда чрада ва адаз томатдин миже яна ргада. Тавадин клане твадай лаваш хун тавунвай, дьузди хьун чарасуз я.

Чразвай кьапунив дьудгьвер гуьцна, лаваш эцигда. (Лаваш куь кьапунин кьадардиз ва кьалубдиз килигна атлуда). Лавашдивай томатрин миже гуьцнайдатай кьулухъ, адан винелай регъвенвай, чранвай як экиада. Жезмай кьван сад хьиз экиана кланда. Регъвей якун винелай тёркадай янавай ниси кьвахда. Адан винелай мад са лаваш эцигда ва гьа ик са-са кьят гъазурда.

Лавашдин эхиримжи кьатунин винелайни томатдин миже гуьцна, аламай ниси кьвах хьийида ва виликамаз ифирнавай духовкада са зур сятина кьван чрада. Чрадалди вилик кьаб винелай, адахъ кьалпагъ аватла гьадалди, я тахьайтла фольгадалди кьевирна кланда. Жедалди са вад декькьа амаз лазанья духовкадай акъудна, винел алай кьалпагъ (ва я фольга) алудна, винелай кьвахнавай ниси яру хъжедалди духовкада хутада.

Гъа и кьайдада, квевай эрменийрин лавашдин кьатара, кьвале авай маса продуктарни туна чраз жеда.



Гъазурайди - Жамиля ГЪАСАНОВА.

